

Reagiranje

Zloupotreba donacija je praksa

Traženje podataka o donacijama nije atak na vjerske zajednice; Oslobođenje, 2. juli 2010.

Kako se bliže izbori, naglašena je "briga" vlasti oko rješavanja problema izbjeglih i raseljenih lica na području Federacije. Ministri obilaze ovu kategoriju stanovništva, dodjeljuju sredstva (koja su sačuvana za ove namjene), radi izborme promocije, da se nekom obezbijedi smještaj izgradnjom ili popravkom kuće. Činjenica je, međutim, da su značajna sredstva namijenjena ovoj kategoriji stanovništva nepovratno nestala, što će (ako bude volje) vjerovatno nešto otkriti Komisija Parlamenta BiH koju vodi g. Sefer Halilović. Da su sredstva namjenski korištena ili da nisu nestala nepoznatim kanalima, vjerovatno da država ne bi imala naglašeno izraženih problema u ovoj oblasti.

Tuzlanski primjer

Htio bih da ukazem kako se pristupalo rješavanju ovog pitanja u Ministarstvu za obnovu, razvoj i povratak u Vladi Tuzlanskog kantona, koja godinama izdvaja značajna sredstva za rješavanje stambenih pitanja izbjeglih i raseljenih lica, popravak infrastrukture, kao i za održivi povratak, uz činjenicu da 10 godina ovim resorom rukovodi isti ministar. Problem je u tome što se u ovoj oblasti godinama pojavljuju značajni problemi u korištenju sredstava na koje je bezuspješno ukazivano jer uglavnom niko od nadležnih nije htio da se upušta u način rukovođenja ovim ministarstvom od strane ministra Seada Mujanovića.

Odsustvo prave kontrole (kako vanjske, tako i unutrašnje), kao i njeno oportuno postupanje, dovelo je do toga da su sredstva ponekad zloupotrebjavala te dodjeljivala korisnicima koji nisu imali pravo na donaciju, ili su imala riješeno stambeno pitanje, ili su postojali jasni dokazi da se ne vraća u bivše prebivalište, pa je poslije obnove objekta isti odmah prodao, ili nisu provedene javne nabavke itd. Htio bih da navedem

nekoliko primjera:

1. Poznata je zloupotreba ministra Mujanovića u dodjeli donacije MT iz Brčkog, u vrijednosti od 15.000 KM za popravak njegovog individualnog stambenog objekta (vikendice) u Jeginovom Lugu, općina Kalesija. U vrijeme prijema donacije obavljao je poslove dekana na Ekonomskom fakultetu u Brčkom i imao trajno riješeno stambeno pitanje u Brčkom (posjedovao je kuću u privatnom vlasništvu), a sada posjeduje stan. Prije 1992. živio je u Sarajevu, gdje je godinama bio predavač na Pravnom fakultetu u Sarajevu, sa redovnim radnim odnosom i stalnim prebivalištem.

Predlagatelj donacije MT-u, odnosno podnosilac zahtjeva je Služba za raseljena lica i izbjeglice Općine Kalesija, kojoj je bilo poznato da čovjek ne živi i ne boravi stalno u navedenom mjestu, niti postoji dokaz o njegovom prebivalištu prije rata na navedenom području, a ministar Sead Mujanović obavještava Općinu Kalesiju o dodjeli donacije.

POVRATAK I PARE

Sredstva od 420.000 KM namijenjena za pomoć održivom povratku općini Srebrenica zahvaljujući mutnim igrama ostala su neutrošena, a firme koje su bile najuspješnije na javnom pozivu koji je provela Općina Srebrenica tužile su Tuzlanski kanton

Od MUP-a Tuzlanskog kantona i PU Kalesija, pozivom na Zakon o slobodi pristupa informacijama, nije se mogao dobiti podatak da li je MT imao prebivalište u Jeginovom Lugu, čak ni poslije više intervencija ombudsmenu Federacije. Procedura dodjele donacije je očito bila nezakonita i primjer je zloupotrebe od ministra Seada Mujanovića. MT nije bio izbjeglo niti raseljeno lice, u smislu odredaba Zakona BiH i federalnog Zakona, jer ne postoje dokazi da je prije rata imao prebivalište u Je-



ginovom Lugu općina Kalesija ili da je tu prijavio prebivalište sa namjerom da trajno živi i stanuje.

Osim toga, učinjena je povreda odredaba Zakonom o upravnom postupku, jer ne postoji "zahtjev stranke" (MT) za donaciju, što je osnovni pravni postupak u smislu člana 42. stav 1. Zakona da bi se uopšte rješavalo o

nije provjeravao) navodi "da je dodjela donacije izvršena" jer je "korisnik dostavio dokaze o statusu", što je netačno, odnosno lažna konstatacija, jer ta dokumentacija nije bila prisutna.

2. U 2007. zbog lošeg planiranja procedure javnih nabavki od strane ministra nije okončana procedura javnih nabavki u iznosu od 100.000 KM za nabavku i isporuku sadnica za potrebe raseljenih lica izbjeglica na području Kantona i Republike Srpske (nepo-navljanjem postupka javne nabavke, iako je bilo dovoljno vremena), a zbog kašnjenja u proceduri nisu realizovana sredstva od 200.000 KM za izvođenje radova za puteve na području općine Srebrenica, tako da su se ove nabavke trebale sprovesti u 2008. čime su izdvajanja za potrebe povratnika za 2007. i 2008. godinu na području Kantona i Republike Srpske umanjena za 300.000. KM;

3. U 2007. ministar nije realizovao pripremljenu Odluku Odjeljenja za obnovu i razvoj Ministarstva za Vladu Kantona o dodjeli grant sredstava inovatorima i udruženjima inovatora u iznosu od 30.000 KM, čime su ova sredstva kao neutrošena nepovratno propala;

4. U 2008. ministar je poništio javnu nabavku za izbor dobavljača za proletnu sjetvu i sadnice voća - vrijednost 240.000. KM, za potrebe povratnika na području Kantona i Republike Srpske.

5. U 2008. nije realizovan iznos od 200.000 KM za nabavku i isporuku uglja izbjeglim i raseljenim licima, kao i kolektivnim centrima putem Rudnika uglja Kreka u Tuzli.

Prevara Srebreničana

6. U 2008. Vlada Tuzlanskog kantona za finansiranje održivog povratka na području općine Srebrenica odobrila je sredstva u iznosu od 420.000 KM. Proceduru je vodilo Ministarstvo za obnovu, razvoj i povratak. Prebacivanja navedenih sredstava su trebala

da se izvrše navedenoj općini nakon provedenog javnog poziva.

Međutim, prema dogovoru između ministra Seada Mujanovića i načelnika Općine Srebrenica gosp. Abdurahmana Malkića, javnog poziva nije bilo, a dodjela grant sredstava izvršena je odlukom ministra Mujanovića unaprijed izabranim firmama, među kojima je jedna firma brata načelnika Malkića, a druga firma je iz Gračanice. Pošto su sredstva prebačena na račun Općine Srebrenica, načelnik Malkić je trebao da izvrši distribuciju sredstava firmama za koje je ministar Mujanović donio odluku, a što načelnik nije proveo u očekivanju rezultata izbora. Pošto je u međuvremenu došlo do promjene vlasti u općini, novi načelnik gosp. Suljić, koji je znao o kakvim nezakonitostima se radi, navedenu odluku nije proveo nego je raspisao javni konkurs, a sredstva sa računa vratila u Budžet Kantona pošto nisu potrošena u 2008. Dogovor je bio da se po provedenoj proceduri javnog konkursa ponovo prebace općini Srebrenica u 2009. godini.

Međutim, načelnik Suljić je prevaren od strane ministra Mujanovića jer dogovor nije ispoštovan. a u 2009. nisu obezbijedena sredstva za ovu namjenu. Tako su sredstva od 420.000 KM namijenjena za pomoć održivom povratku općini Srebrenica zahvaljujući mutnim igrama ostala neutrošena, a firme koje su bile najuspješnije na javnom pozivu koji je provela Općina Srebrenica tužile su Tuzlanski kanton.

Kolegij Skupštine Kantona, Komisija za borbu protiv korupcije i Kantonalno javno tužilaštvo Kantona na ukazane navedene i dr. mnoge zloupotrebe Seada Mujanovića, ministra za obnovu razvoj i povratak u Vladi Tuzlanskog kantona, nisu reagovali predužimanjem bilo kakvih mjera.

Muhamed AGANOVIĆ, Tuzla

DEMANTI

Hare Krišna nije sekta

Identifikovan leš iz rijeke Kasindolske; Oslobođenje, 10. juli 2010.

Poštovana urednice Selimbegović,

Obraćamo Vam se povodom teksta koji ste preuzeli od agencije Srna i objavili u izdanju vašeg lista od 10. jula 2010. na str. 8, pod naslovom "Identifikovan leš iz rijeke Kasindolke".

Agencije na provjeri

Iznenadeni smo da jedna novina kao što je Oslobođenje preuzima agencijsku vijest bez provjere onoga što je navedeno u njoj. U tekstovima je vainsnavska

vjerska zajednica Društvo za svjesnost Krišne u BiH nazvana sektaom, a tragična smrt Milana Arežine posredno povezana s njegovim pripadanjem ovoj duhovnoj zajednici.

Vjerujemo da ćete, kao profesionalna urednica ugledne novine, uvažiti naše reagiranje i u skladu sa tim, a na osnovu Kodeksa za štampu BiH (član 7 - Mogućnost odgovora i član 16 - žalbe), objavit naš demanti.

U članku koji ste objavili stoji da je nedavno nesretno preminuli

Milan Arežina bio "pripadnik sekte Hare Krišna", čime ste načinili materijalnu grešku. Društvo za svjesnost Krišne u BiH je vainsnavska vjerska zajednica, koja je registrirana u Ministarstvu pravde BiH kao vjerska zajednica i kao takva djeluje u Bosni i Hercegovini još od 1988. i dio je Međunarodnog društva za svjesnost Krišne, ISKCON. Društvo djeluje na principima duhovnog života koji zahtijevaju uzdržavanje od konzumiranja opojnih sredstava, jedenja mesa, ribe i jaja, nezakoni-

tog seksa i kockanja. Pokojni Milan Arežina je bio simpatizer pokreta Hare Krišna i pokušavao je da promijeni svoje štetne navike uz pomoć ove duhovne prakse.

Bol porodice

Ovakvom materijalnom greškom i isticanjem pripadnika Milana Arežine "sekti Hare Krišna" javnost se upućuje na pogrešne zaključke i dodatno povećava emotivna bol porodici Arežina.

Društvo za svjesnost Krišne je otvoreno za sve građane i uvijek



će rado dati sve informacije novinarima Oslobođenja kada to budu željeli.

Alma BARTULA, Društvo za svjesnost Krišne u BiH